

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI

Služba za upravu društvenih djelatnosti,
pitanja boraca i opću upravu

Broj: 04-11-1615/26

Datum: 21.08.2026. godine



BOSNA I HERCEGOVINA	
FEDERACIJA BOSNE I HERCEGOVINE	
ZENIČKO-DOBOJSKI	KANTON
GRAD ZAVIDOVIĆI	
SLUŽBA GRADONAČELNICE	
Prejeto	24-08-2026
01	
02	11 1625/26

STRUČNA SLUŽBA GRADONAČELNICE

PREDMET: Nacrt Odluke o sufinansiranju rada javnih kuhinja na području
Grada Zavidovići, dostavlja se.

U prilogu ovog akta dostavljamo Vam nacrt Odluke o o sufinansiranju rada javnih kuhinja na području Grada Zavidovići.

S poštovanjem,



PO RJEŠENJU GRADONAČELNICE,
broj: 02-04-1190/26-AP-8 od 03.08. 2026. godine,
Viši stručni saradnik za ruralni razvoj

Amir Mahmutović, dipl. ecc.

Dostavljeno:

1. Naslovu,
2. U spis.

Akt pripremila: Nadina Mehinagić, dipl. pravnik



Broj: _____/26-AP
Datum: _____.2026 godine

Na osnovu člana 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 25. i 105. Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/2019), Gradsko vijeće Grada Zavidovići, na ____ .sjednici održanoj dana _____.2026. godine, donosi

O D L U K A

o sufinansiranju rada javnih kuhinja na području Grada Zavidovići

DIO I – OPĆE ODREDBE

Član 1. (Predmet odluke)

Ovom Odlukom utvrđuju se uslovi, kriteriji, način i postupak dodjele budžetskih sredstava za sufinansiranje rada javnih kuhinja koje pružaju usluge ishrane socijalno ugroženim licima na području Grada Zavidovići

Član 2. (Cilj Odluke)

Cilj sufinansiranja rada javnih kuhinja je pružanje podrške organizacijama koje obavljaju djelatnost pripreme i distribucije obroka socijalno ugroženim licima radi ublažavanja posljedica siromaštva i socijalne isključenosti.

Član 3. (Korisnici sredstava)

Korisnici sredstava po ovoj Odluci mogu biti:

- a) humanitarne organizacije,
- b) udruženja građana,
- c) vjerske zajednice,
- d) javne ustanove i druge neprofitne organizacije, koje organizuju i provode rad javnih kuhinja na području Grada Zavidovići.

DIO II – SRESTVA ZA SUFINANSIRANJE

Član 4. (Izvor finansiranja)

Sredstva za sufinansiranje rada javnih kuhinja osiguravaju se u Budžetu Grada Zavidovići na posebnoj budžetskoj stavci.

Član 5. (Namjena sredstava)

Dodijeljena sredstva mogu se koristiti za:

- a) nabavku prehrambenih proizvoda,
- b) troškove pripreme i distribucije obroka,
- c) troškove energenata i komunalnih usluga,
- d) nabavku higijenskih sredstava,
- e) druge troškove neposredno vezane za rad javne kuhinje.

DIO III – KRITERIJI ZA DODJELU SREDSTAVA

Član 6. (Kriteriji)

Prilikom raspodjele sredstava naročito će se cijeniti:

- a) broj korisnika javne kuhinje,
- b) kontinuitet rada javne kuhinje,
- c) broj podijeljenih obroka na godišnjem nivou,
- d) obuhvat socijalno ugroženih kategorija stanovništva,
- e) finansijska održivost i učešće drugih izvora finansiranja,
- f) značaj programa za lokalnu zajednicu.

DIO IV – POSTUPAK DODJELE SREDSTAVA

Član 7. (Javni poziv)

Sredstva se dodjeljuju putem javnog poziva koji raspisuje Gradonačelnica. Izuzetno, ukoliko na području Grada Zavidovići djeluje samo jedna javna kuhinja od posebnog značaja za socijalnu zaštitu stanovništva, sredstva se mogu dodijeliti neposredno, u skladu sa ovom Odlukom i raspoloživim budžetskim sredstvima.

Član 8. (Postupak po prijavama)

(1) Postupak vrednovanja prijava provodi Služba za upravu društvenih djelatnosti, pitanja boraca i opću upravu Grada Zavidovići.

(2) Služba sačinjava prijedlog raspodjele sredstava i dostavlja ga Gradonačelnici na odlučivanje.

Član 9.
(Odluka o dodjeli)

Odluku o dodjeli sredstava donosi Gradonačelnica na prijedlog Službe.

DIO V – RJEŠENJE, UGOVOR I NADZOR

Član 10.
(Rješenje)

Po svakom pojedinačnim zahtjevu Služba za upravu društvenih djelatnosti, pitanja boraca i opću upravu odlučuje rješenjem o odobravanju/ne odobravanju sredstava za sufinansiranje rada javnih kuhinja Grada Zavidovići.

Član 11.
(Ugovor)

Sa korisikom sredstava zaključuje se ugovor kojim se uređuju međusobna prava i obaveze, način korištenja sredstava i izvještavanje.

Član 12.
(Izvještavanje)

Korisnik sredstava dužan je dostaviti narativni i finansijski izvještaj o utrošku dodijeljenih sredstava najkasnije 30 dana po isteku budžetske godine.

Član 13.
(Nadzor)

Nadzor nad namjenskim utroškom sredstava vrši Služba za upravu društvenih djelatnosti, pitanja boraca i opću upravu Grada Zavidovići.

DIO VI – FINANSIRANJE

Član 14.
(Sredstva)

Sredstva za realizaciju ove Odluke obezbjeđuje se u Budžetu Grada Zavidovići.

DIO VII – ZAVRŠNE ODREDBE

Član 15.
(Provedbeni akti)

Gradonačelnica će donijeti Pravilnik kojim će detaljnije urediti kriterije, potrebnu dokumentaciju i postupak dodjele sredstava.

Član 16.
(Stupanje na snagu)

Ova Odluka stupa na snagu osmog dana od dana objavljivanja u Službenom glasniku Grada Zavidovići.

PREDSJEDAVAJUĆI
GRADSKOG VIJEĆA

Amira dr. Hadžić, spec.radiolog

O B R A Z L O Ž E N J E

1. USTAVNOPRAVNI I ZAKONSKI OSNOV ZA UVOĐENJE ODLUKE

Članom 25. Statuta razrađene su nadležnosti Gradskog vijeća u okviru samoupravnog djelokruga rada Grada, kojim je propisano da Gradsko vijeće donosi opće akte iz nadležnosti lokalne samouprave, uključujući mjere socijalne i demokratske politike. Jedinice lokalne samouprave imaju pravo planirati i realizovati budžetska sredstva za podršku stanovništvu, u skladu sa zakonima Federacije BiH.

Pravni osnov za donošenje ove Odluke sadržan je u :

- Zakonu o principima lokalne samouprave i Federaciji Bosne i Hercegovine,
- obavezi jedinice lokalne samouprave da u okviru svoje nadležnosti provodi mjere socijalne zaštite i pomoći građanima u stanju socijalne potrebe.

2. RAZLOZI ZA UVOĐENJE ODLUKE I OBJAŠNJENJE ODABRANE POLITIKE

Donošenjem ove Odluke stvaraju se uslovi za transparentnu i pravičnu raspodjelu budžetskih sredstava namijenjenih radu javnih kuhinja, koje predstavljaju važan oblik pomoći socijalno ugorženim građanima. Odluko se definišu kriteriji, postupak dodjele sredstava, način kontrole njihovog korištenja i obaveza izvještavanja, čime se osigurava zakonito i namjensko trošenje sredstava Budžeta Grada Zavidovići.

Očekivani efekat donošenja Odluke je unapređenje socijalne sigurnosti najugroženijih kategorija stanovništva i podrška organizacijama koje pružaju usluge javnih kuhinja na području Grada Zavidovići.

3. FINANSIJSKI EFEKTI

Za realizaciju ove Odluke sredstva će se obezbijediti u Budžetu Grada Zavidovići, u okviru nadležne Službe za upravu društvenih djelatnosti, pitanja boraca i opću upravu.

GRADONAČELNICA

mr.iur.Erna Merdić Smailhodžić

Akt pripremila:

Nadina Mehinagić

Akt pregledao:

Amir Mahmutović

Akt pregledao:

Nermin Čahtarević